



**Datum: 19.01.2013.**

**Pg.: 1+1**

**Predmet: Saopćenje/Saopštenje namijenjeno javnostima**

### **ROĐENDAN POEZIJE...I PROZE**

U Književnom krugu Meša Selimović u Sarajevu je u subotu, 19.1.2013.g. održana nadasve neobična poetsko-prozna matineja.

Gost matineje je bio književnik Sabahudin Hadžialić koji je, uz predstavljanje i uvodne riječi koordinatora programa, pjesnika Admirala Mahića i pozdravni omaž od strane doajena bh. glumišta Muharema Osmića kroz izreku otisnutih sjećanja na Mešu Selimovića i „Derviš i smrt“, imao i vlastite goste:

- Tuzla: Jagoda Iličić i Nihad Mešić River
- Zenica: Prof.dr. Smajil Durmišević
- Sarajevo: Irena Marić, Mirza Okić i Goran Vrhunc

No, na samom početku je obiljeжан i 65. rođendan bosanskohercegovačkog pjesnika Admirala Mahića koji je stihovima i otvorio matineju. Uz prigodne poklone domaćina iz Književnog kruga Meša Selimović i uz poklon Sabahudina Hadžialića kolegi i prijatelju Admiralu Mahiću, u toku naredna dva sata predstavljen je:

- Poetsko prozni opus Sabahudina Hadžialića (poezija, priče, crtice, aforizmi, dijelovi drama)

Svoje goste je književnik Hadžialić predstavio uz osvrt o njihovim djelima prikazane u DIOGEN pro kultura magazinu tokom 2012.g.:

- Pjesnički ciklus Irene Marić, Mirze Okića i Gorana Vrhunca
- Poetsko-prozni ciklus Jagode Iličić (dijelovi romana i poezija)
- Poetsko-prozni ciklus Prof.dr. Smajila Durmiševića (poezija, aforizmi i priča)

No, ni to nije bilo sve već su svoje stihove čitali i prisutni pjesnici Dragan Mučibabić, Ratko Orozović, Blanka Martinović i Mubera Isanović, a Bisera Alikadić je povodom rođendana pjesnika Mahića čitala Admiralove stihove iz Antologije poezije koju je još 2000.g. priredio književnik Željko Ivanković.

Na samom kraju Sabahudin Hadžialić je, zahvalivši se na pozivu Književnom krugu Meša Selimović, pozvao sve Sarajlije da budu sa pjesnicima 21.3.2013.g. u Svrzinoj kući na 24-satnom Poetskom maratonu koji organizuje Sarajevska zima već treću godinu u nizu tokom kojeg će biti predstavljeni pjesnici iz 13 zemalja svijeta, uz promociju knjiga, okrugle stolove kao i nova izdanja DIOGEN pro kultura magazina.

Također su Sarajlije obavještene o skorom izlasku romana, prvom dijela trilogije RASKRŠĆE SVJETOVA, naslova KUTIJA ŽIVOTA, književnika Sabahudina Hadžialića, u izdanju Izdavačke kuće „Most Art“ iz Beograda, Srbija. Recenziju za roman su pisali Zlata Žunić, Andrej Glišić i Petar Lazić. Roman će po izlasku, 15.4.2013.g. svoje prvo predstavljanje imati tokom trajanja proljetnog Sajma knjiga i učila u Sarajevu i to, zahvaljujući njegovoj ekselenciji, Ambasadoru Albanije u Bosni i Hercegovini, gosp. Flamuru Gashiju, u prostoru Ambasade Albanije u Sarajevu 18.4.2013.g.

Kako je u svom nastupu i naveo gl. i odg. urednik našeg magazina, sa ciljem objedinjavanja različitosti...“ Roman bosanskohercegovačkog autora u izdanju Izdavačke kuće”Most Art “ iz Srbije će biti predstavljen u Ambasadi Albanije u Sarajevu“.

Srdačan pozdrav,

PR

### ***MI OBJEDINJUJEMO RAZLIČITOSTI***

PR DIOGEN pro kultura magazin / MaxMinus magazin  
<http://www.dioгенpro.com> & <http://www.maxminus.com>